



TAPAK 3

Aluyimertemi tenzükba movement
mazüoktettsü: Meghalaya governor

TAPAK 10

BFI Zonal Joint Secretary
inyaktsü Imtisunep Ao shimogo

VOL. XVIII NO. 113 (ADOK 113) DIMAPUR

KÜPTOKNÜ (SATURDAY)

TSÜKLAI (FEBRUARY) 06, 2021

₹ 5.00

State 14 nem PDRD atema Rs. 6,195.08 crore agütsü

Nagaland nema Rs. 326.41 crore agütsüogo

New Delhi, February 5 (Agencies): Department of Expenditure, Ministry of Finance-i Hokolbarnü state 14 nem Post Devolution Revenue Deficit (PDRD) Grant atema Rs. 6,195.08 crore agütsüogo.

Tanü Ministry of Finance-i PDRD Grant agütsüba nungi Nagaland nema Rs. 326.41 crore agütsü.

Fifteenth Finance Commission-i state tem indang Revenue Accounts khuret asoshi yaritsü atema state 14 nem PDRD grants agütsütsü

State 14 nem Grant-in-aid atema 11th installment agütsüba:

Nagaland	-	Rs. 326.41 crore,
Kerala	-	Rs. 1,276.91 crore,
Himachal Pradesh	-	Rs. 952.58 crore,
Punjab	-	Rs. 638.25 crore,
Assam	-	Rs. 631.58 crore,
Andhra Pradesh	-	Rs. 491.41 crore,
Uttarakhand	-	Rs. 423 crore,
West Bengal	-	Rs. 417.75 crore,
Manipur	-	Rs. 235.33 crore,
Meghalaya	-	Rs. 40.91 crore,
Mizoram	-	Rs. 118.53 crore,
Tripura	-	Rs. 269.66 crore,
Tamil Nadu	-	Rs. 335.41 crore
Sikkim	-	Rs. 37.33 crore.

NLA session atema Pass agütsütsü

Dimapur, February 5 (TYO): February 12 nungi 20, 2021 tashi 13 buba Nagaland Legislative Assembly indang Session tenetbuba agütsü atema Car Pass aser Official Gallery Pass agütsütsü.

Tsünglanglen agüja aliba February 10 aser 11, 2021 anogotem Pass agütsütsü, ta Commissioner & Secretary, NLA, Dr. P.J. Antony-i tanü metetdaksü.

1. Minister aser AHOD temi Special Secretary (Home), Civil

metetdakja lir.

Financial year 2020-21 atema Fifteenth Finance Commission-i State 14 nem Post Devolution Revenue Deficit Grant Rs. 74,341 crore agütsütsü shidanga lir. Iba nungi tang tashi nung Rs. 68,145.91 crore (91.66%) agütsüogo.

Fifteenth Finance Commission-i shimba state temji- Andhra Pradesh, Assam, Himachal Pradesh, Kerala, Manipur, Meghalaya, Mizoram, Nagaland, Punjab, Sikkim, Tamil Nadu, Tripura, Uttarakhand aser West Bengal lir.

State 14 nem Grant-in-aid atema 11th installment agütsüba:

Nagaland	-	Rs. 326.41 crore,
Kerala	-	Rs. 1,276.91 crore,
Himachal Pradesh	-	Rs. 952.58 crore,
Punjab	-	Rs. 638.25 crore,
Assam	-	Rs. 631.58 crore,
Andhra Pradesh	-	Rs. 491.41 crore,
Uttarakhand	-	Rs. 423 crore,
West Bengal	-	Rs. 417.75 crore,
Manipur	-	Rs. 235.33 crore,
Meghalaya	-	Rs. 40.91 crore,
Mizoram	-	Rs. 118.53 crore,
Tripura	-	Rs. 269.66 crore,
Tamil Nadu	-	Rs. 335.41 crore
Sikkim	-	Rs. 37.33 crore.

Secretariat, Nagaland, Kohima nungi Car Pass aser Gallery Pass angütsü.

2. Advisor, MLA, P.S/P.A aser tanga Department Reception Counter Gate No-II, Nagaland Legislative Assembly Secretariat nungi Pass angütsü.

3. HODs aser Media nisungtem Reception Counter Gate No-I, Nagaland Legislative Assembly, Secretariat nungi Car Pass angütsü.

Police ketdangsür shiai tensa süngjema ayutsü atema inyaktsüla

Dimapur, February 5 (TYO): Senso ajak tetsübu aser timtem melii litettsüsa police ketdangsür shiai loktiliba nung tensa süngjema ayutsü atema inyaktsüla, ta Nagaland Deputy Chief minister Y Patton-i tanü ashi.

Hokolbarnü Rhododendron hall, Police complex, Chumukedima nung Nagaland Police Service Association indang 49 buba lokti mungdang alidang Y Patton-i iba tayongzükba agütsü.

"Police force nem tebilemstü khuret agütsüba ama sorkar kübok shinga nema agüja mali, anungji nenok iba maongka atema nüma atangtsüla" ta paisa ashi.

Y Patton nung Home department repsema inyaker aser paisa police ketdangsürtem dang yimya tajung benshitsü aser tashiyim mapa meinyaktsü metetdaksü.

Sorkari police dang nungi mapa tajung imlar anungji

tebilemstü mebeni inyaksangshiba mesüra yimya benshiba magizüktsü, ta paisa ashi.

Police-i özüng alema mapa inyakba aziüktsüla aser lendong ajurutsüpur kümzüka ayutsüla. Özüng amer telok ka ama police-i mapa timi aser tashishitsü melii inyaktsüla aser sensotemi nenok dak tamang akatsüla, ta Y Patton-isa metetdaksü.

Sorkari Nagaland police tajungba kümdaktsü service dak sendakba den tanga nüngdakatbatem jungdaktsütsü atema meranger. Tarutsü anogotem sorkari police force indang khuretem atema inyaktsütsü, ta paisa shisem.

"Sorkari nem dak temolung lema mapa nungloktsüba ama nenoki akhümkata inyaktsüla aser state den nübortem asoshi bendanga agüja tenzüktsü ayongzükter" ta Y Patton-isa metetdaksü.

Foothill Road tekaratiba nung yanglutsü rongshir

Dimapur, February 5 (TYO): Hokolbarnü Nagaland Foothills Road Coordination Committee (NFHRCC) den Kin Hoho 11 aser MLA temi iba lenmang tekaratiba nung yanglutsüla ta asüba tangatetba nung telemtetba aika agiogo.

Hotel Japfu, Kohima nung iba senden nung Foot Hill Road Project den sendakba onük aika benoka lemsatop.

Tang teyangludak Doyang apu atema joko mapang talila magütsüsemstü aser tan working season nungsa iba apu yangluzüktsüla ta tanü senden nung telemtetba agi.

Iba ya meinyaktetra apu yangluba telok dak tapet mapa

inyaktsü ta senden nungsa lemtet.

Maneni, senden nungsa department/sorkari Doyang apu yangluba atema head of account agütsütsüla ta lemtet.

Bangdak department-i Doyang apu yangluba ketdangsüa reprangtsüla aser ketdangsüri mapa shitak meinyakba putetra, mapa nungi anentsütsü ta tanü senden nungsa telemtetba agiogo.

Taküm tzüngluruwa matongdangsa sorkari Jeepable/ motorable road ka yanglutsüla aser iba mapaji NFHRCC/Hoho tem aser iba lenmang ajanga kongshia aliba district tem nungi nungi MLA temi ketdangsüa inyaktsü ta senden nung

bangzüngtep.

Sorkar dang iba lenmang ajanga kongshia aliba district tem nungi MLA tem aser bangdak department dena Border Committee ka tentettsü aser Nagaland Legislative Assembly (NLA) Speaker dang tang agütsü aliba Assembly Session nung Foothill Road ya public atema kanga dang nüngdakba onük ka ama benoktsü mepishitsü atema senden nungsa lemtet.

Senden nung adenertemisa iba lenmang atema mapa shitak meinyakra, Naga public-i aginüba ama tapet teinyaktsütem inyaka aotsü bangzüngtepogo.

COVID-19 Nagaland: Nisung 12,126 nungi 11,821 taneptsü nguogo

Kohima, February 5 (TYO): Hokolbarnü Nagaland nung nisung 5 dak COVID-19 aliba putet aser parnok züngsema nisung ajak agi 12,126 kümogo. "Tanü Kohima nung nisung 5 dak COVID-19 aliba putetogo" ta Health & Family Welfare Director, Dr Denis Hangsing-i ashi.

Nisung 12,126 rongnungi parnok 11,821 taneptsü nguogo aser tang nisung 68 anepaludar, ta paisa ashi.

Nagaland nung COVID-19 puteter nisung 88 asü saka parnok 10 bo tanga timtem ajanga asü. Külen, nisung 149 tashi tanga state temi ogo, ta Dr Hangsing-isa metetdaksü.

Nagaland nung COVID-19 nungi taneptsü angubaji 97.48% lir, ta paisa shisem.

District balala nung COVID-19 putetba: Dimapur (6,474), Kohima (3,812), Mon (605), Peren (507), Tuensang (248), Mokokchung (192), Zunheboto (142), Phek (47), Kiphire (41), Wokha (39) aser Longleng (19).

Nisung 12,126 rongnung Traced Contacts 5,009, armed forces personnel 4,674, tanga state tem nungi arur 1,870 aser Frontline Workers 573 lir, ta Dr Hangsing-isa metetdaksü.

District balala nung tang anepalurtem: Kohima (37), Dimapur (28), Peren (2) aser Tuensang (1).

Tang anepalurtem rongnung nisung 9 dak shirangba yimya terara lir aser 59 dakbo shirangba yimya kecha mali, ta paisa ashi.

Taneptsü angurtem: Dimapur (6,312), Kohima (3,712), Mon (594), Peren (504), Tuensang (245), Mokokchung (183), Zunheboto (139), Phek (47), Kiphire (40), Wokha (35) aser Longleng (10).

"Nagaland nung COVID-19 alitsü akok ta temolung melemi bilemba sample 1,25,667 tendangogo. RT-PCR ajanga sample 73,203, TrueNat ajanga sample 37,188 aser Rapid Antigen Test ajanga sample 15,277 tendang" ta H&FW Director Dr Hangsing-isa metetdaksü.

Kohima nung 'Women Two Wheeler Rally' agi

2020 küm Nagaland nung gari lendong 537 atalok; nisung 52 asü



Kohima, February 5 (TYO): Gari lenmang nung lendong-tsüdong nungi jenbua alitsü osang prokshitsü atema Hokolbarnü Nagaland nung "Women Two Wheeler Rally" ayongzükba agiogo.

National Road Safety Month nung shilem ka ama iba sentong ya Regional Transport Office (RTO) Kohima-i ayongzükba agi.

Iba rally ajanga tetsür bikers-i two wheeler anirtem dang helmet aser tanga safety gears asemstü aser "Safety on the Road is a Right for All" osang sangoktsü.

Tetsür bikers rongnung Kongro Naga on Wheels (KNOW) chairman & managing director Onenienla Imsong dena liasü.

Tanü Kohima Additional Deputy commissioner Lithrongla Tongpi Rutsa-i PHQ junction nungi iba rally tenzüktsü aser Razhu Point nung tembang.

"Taküm "Road Safety Week" melena January 18 nungi February 17 tashi National Road Safety Month amonger" ta Regional Transport Officer, Kohima S.Y Sanglee Chang-i ashi.

"Linük nütsüng yongsük

nung tetsür 50% jungnüa lir anungji asen loktiliba tejakleni aotsü atema tetsürtemi shilem agütsüba kanga tongtipang. Tetsürtem tashi itdaksütsüla aser lokti nung shilem agütsüla" ta Sanglee Chang-isa metetdaksü.

"Küm shia India nung nisung lakh 1.50 shi gari lendong balala nung asür aser ano aika yiruyibonger. Iba ajanga kibong aika nem senotsü den telokok asoshi timtem bentsür arur. Kibong ka nung iba ama tia ajurudang, aiben tetsürtemi khuretji abener" ta paisa ashi.

(Maneni tapak 2 nung...)

Emporium Skills Training Institute ajanga lanur nem mapa agütsü



Dimapur, Tsüklai/February 05 (TYO): Emporium Skills Training Institute (ESTI), Dimapur-i campus interview ajanga Nagaland nungi lanur 36 nem Dubai International Airport nung job placement agütsü.

Indang indanga international campus recruitment agiba ibai mezüing alitsü, koba North East India nung Dubai International Airport janga agia liasü. Iba interview ya ESTI den lungjemer Transguard Group, Dubai United Arab Emirates ajanga agia liasü.

Transguard group ya UAE nung business support aser nübu agütsür tulutiba lir. Iba company yagi nübu shimba nungi training aser teyari agütsüba nung tongti shilem agir. Parnok yak o-o-jen

yangluba, facility balala agütsüba, aviation, hospitality aser retail market amala den sendaktepa lir. Transguard group indang executive board nungya Sheikh Ahmed Bin Sayeed Al-Maktoum tekolakba lir, shiba Emirates airlines indang mendenpuba lir.

Dimapur nung iba interview ya Dubai nung aliba Transguard recruitment division nungi Aijaz Ahmed Zargar, Jitin Sanjeev aser Bijesh Pulikkal nungertemi agia liasü.

Iba interview nung zünger mapa mangu aliba lanir 36 shimteta liasü. Item teshimtet lanurtem ya Airport Loader, Airport Porter, Housekeepers, Waitress/Waiters amala mapa inyaksü shima liasü.

Waitresses/Waiters/Housekeepers ya Transguard Group of hotels indang hospitality division nung anioktsü aser dangartem ya Dubai International Airport nung inyaksü. Teshimtet lanur ajunga nem Transguard Group ajanga employment VISA den air tickets agütsütsü aser ita ka tsünga Dubai, UAE nung oa mapa inyak tenzüksü.

UAE labour laws nung aliba ama teshimtet lanurtem nem anisüngzükdak tesem, mapa inyakba mapang chiyongtsü aser medical insurance tem angati agütsütsü.

ESTI ya Transguard Group, UAE den sendaktepa lir aser ano maneni Dubai airport ground services atema interview agütsü.

Kohima Sumi Officers Kuqhakulu ketdangpur tasen shimogo

Dimapur, Tsüklai/February 05 (TYO): Mount Olive College, Kohima nung February 4, 2021 nü sentong ka agia Kohima Sumi Officers Kuqhakulu (KSOK) indang ketdangpur tasen shima liasü.

Tir menden nungi alusang,

Director, IPR, Er. Tokishe Sema-i KSOK ajanga inyaktetba aser takok anguba indang telok nem metetdaksü aser Kohima Sumi Hoho tir, Khevito Shohe-i KSOK nung ketdangpur tasen shima alirtem dang nübur ajangzüksü atema

inyaksü ajungshia liasü.

Paisa Sumi nüburtem ajangzüksü atema külemi lungjemer inyaksü ayongzü. Ketdangpur tasentem nem temoatsü meshija Rev. Kiyeto G. Sema-i sarasadema liasü.

KSOK nung ketdangpur tasen shimertem yamai alitsü:

- | | |
|----------------------|---|
| 1. President | : Er. Kahuli Sema, Chief Engineer, Police Engg. Project |
| 2. Vice President | : Er. Hekato Yeputho, Dy. Director, LRD |
| 3. Vice President | : Mr. Kito swu, Under Secy, NCS |
| 4. General Secretary | : Mr. Hokheto Ycpho, Asst. Language Officer, School Education |
| 5. Asst. Gen. Secy | : Er. Kahoto Zhimomi, SDO (PWD) |
| 6. Treasurer | : Mrs. Tosheli Zhimomi, Joint Director, Social Welfare |
| Executive Members: | 1. Er. Hutoi Ayemi, SE, Water Resource Deptt. |
| | 2. Mr. Hovuto, Joint Director, Soil |
| | 3. Mr. Warren Holohon. Dy. Secy., NCS |
| | 4. Er. Yehevi Swu. JE, Police Engg. Project |
| | 5. Er. Vikheto Kiba, JE, Tourism |

Advisors :

1. Er. Z. Tokishe sema, Director IPR
2. Er. James Khala, Addl. Director NRE

Legal Advisor

: Adv. Joshua Sheqi



ATMA, Tuli Block, Mokochung ajanga Merangkong, Merangkong Compount aser Tuli nung aluyimer atema February 04, 2021 nü Method Demonstration on Bio Waste Decomposting, production technology of sweet corn aser Naga king chilli anepaluba yimya nung training agüja liasü.

AR-i Kohima pre-recruitment training agütsütsü

Dimapur, Tsüklai/February 05 (TYO): Kohima District nung aliba lanurtem nem 1 Assam Rifles nungi team ka ajanga pre-recruitment training agütsütsü. Parnoki yimtsüngtem semdangtsü aser temsüa aliba candidate tem indang data

bendentsü. 2001 mezüing quarter nung Staff Selection Commission (SSC) ajanga CAPFs nung Constable (GD) aser Assam Rifles nung Rfn/Rfw (GD) post tem atema sangdongtsü, ta sangdong ka ajanga ashi.

GD Category atema eligibility criteria yamai alitsü:

1. Tazüingba: Board mesüra university tejangja nungi matriculation renemer mesüra class 10 pass sür alirtem.
2. Arishi küm tatakzük : Arishi küm 18 nungi 23 tashi (SC aser ST category candidate tem atema arishi küm 5 ajemtsütsü aser OBC category candidate tem atema küm 3 ajemtsütsü)
3. Physical Efficiency Test : Teburtem minute 24 nung kilometer 5 asemtsü aser tetsürtem minute 8 ½ nung kilometer 1.6 asemtsü
4. Cut off percentage of marks: (a) General aser Ex Servicemen - 35% (b) SC/ST/OBC - 33%
5. Written Test: (a) Computer Based Examination/OMR based (b) Total Question: 100 (b) Total Marks: 100



COVID-19 tashidak wara agi nüburtem timtemba mapang Department of Health & Family Welfare, Government of Nagaland nung staff temi mapa tajung inyakba atema National Commission for Women ajanga konang tetushi agütsü. Timtem mapang tenüngsang agütsütsüsa mapa inyaktetba atema frontline staff tem tushia iba sempet ya agütsü. Dr. I. Talitemsula Ao, Director, Health and Family Welfare ajanga iba sempet ya Department tenüng nung Delhi nung January 31, 2021 nü National Commission for Women indang Foundation Day nung agizüka liasü.

Kohima ya Open Defecation Free sangdongtsü: KMC

Dimapur, Tsüklai/February 05 (TYO): Kohima Municipal Council ajanga sangdong ka nung ashiba agi, Kohima ya Open Defecation Free (ODF+), anungji nisung kar danga tema nung jana indokba mesüra metzü meshiba ngura temerenshi senchi achitsü.

2021 küm February ita nungi tenzüka iba totuyuba nung mezüing aibelener dang senchi sen 500, tanaben aibelener dang senchi sen 1,000 aser tasemben aibelener dang senchi sen 2,000 achitsü, ta sangdong ajangasa ashi.

Kohima nung 'Women... (Tapak 1 nungi...)

NAGALAND NUNG GARI LENDONG KANGA BULUR: NRSA

Külen, Nagaland Road Safety Authority (NRSA)-ia ashiba agi Nagaland nung gari lendong ya tebilemsü tulu ka kümogo.

"Nagaland nung gari lendong kanga ataloker. Gari mashii aniba, chiajemer aniba, ajungbena lenmang nung gari meyipba, lenmang tai nung aniba, küm agi matong sür gari aniba aser lenmang majungba ajanga gari lendongtem ataloker" ta NRSA-i metetdaksü.

2020 küm Nagaland nung gari lendong 537 atalok aser nisung 52 asü. 2019 nunga gari lendong 486 atalok aser nisung 26 asü, ta parnokisa ashi.

India nung ghonda shia nisung 17 shi gari lendong balala nung asür, ta NRSA-isa metetdaksü. Indian Foundation of Transport Research and Training-i survey ka agiba nung

India nung truck gari 3 shia nungi ka nungbo khu talila abener aser lendong 50% atalokbaji iba ajanga lir ta bushitetogo.

Ano, nisung asür 50% tashi lendong ataloker ghonda ka tsünga meyariba ajanga asüba liasü, ta IFTRT-isa bushitetba metetdaksüogo.

Alima nung drinking & driving law mapa shitak inyakra, yi jemer gari tsükokba 20% tashi ajema akümtsü. Ano, helmet shitak asemba ajanga kanga yiruyibongba nungi 42% kümzüksü aser tekolak yiruba 69% kümzüksü.

Maneni, seat- belt enokba ajanga gari tesülen amener asüba mesüra yiruba 25% tashi ajemtsü, ta Nagaland Road Safety Authority (NRSA) indang pamphlet nung shia lir.

Iba pamphlet nungsa gari anidang mobile phone amshiba ajanga lendong timba ajurur ta metetdaksüogo.

Itanagar nung Rajiv Gandhi University kûm 38 jungogo



Itanagar nung aliba Rajiv Gandhi University (RGU) kûm 38 ajungba benjung amongdang agiba noksa angur.

Itanagar, February 5 (Agencies): Rono Hills, Itanagar nung aliba Rajiv Gandhi University (RGU) yashi kûm 38 ajungba benjung ayonga mongogo.

Iba sentong ya university campus nung agi aser Governor & RGU Chief Rector, BD Mishra, Chief Minister Pema Khandu aser NEHU Vice-Chancellor Professor SK Srivastava nungertem aden.

Sentong nung RGU VC Saket Kushwaha-i okila jembidang department balala atema smart classes tenzükogo, contract nung inyaker staff nem Rs 2,000 agütsüogo aser assistant professors promotion süogo ta ashi.

Paisa RGU nung kaketshirtem, administration, tesayurtem aser staff dang linük nung reju tajungtiba kümdaktsüsü atema bendanga agüja merangtsü ayongzük.

"Tesayurtemi policy research lenmang balala bushitsüla aser item maongkatem agitsüla" ta North-Eastern Hill University Vice Chancellor Professor Srivastava-ia ashi.

UGC rankings nung RGU-i tanabuba jenjang takok anguba atema Chief Minister Pema Khandu-i University nem tenüngsang agütsü.

State sorkari akokba tashi RGU yaritsü, ta paisa shisem.

Dibrugarh University registrar & deputy registrar mapa nungi anentsüogo

Guwahati, February 5 (Agencies): Dibrugarh University nung senotsü tim mesüi amshiba atema tai tonglokja Dibrugarh University registrar Hari Chandra Mahanta aser deputy registrar (finance & accounts) Diganta Borah na mapa nungi anentsüogo.

Tang atema Department of Statistics, Dibrugarh University aser Directorate of Open and Distance Learning nung Director in-charge, Professor

Jiten Hazarika-i interim registrar inyaka atatsü.

Külen, Joint Registrar (Administration), Paramananda Sonowal-i finance & accounts mapa repsema inyaktsü.

Mahanta aser Borah naprong dang office on-call atema mapang agütsüsü aser fact-finding committees den yariteptsü atema tetuyuba agütsüogo. Committee tem ya Chancellor, Dibrugarh University aser Executive Council, Dibrugarh University

ajanga shimba lir.

Vice-chancellor Ranjit Tamuli-i senotsü tim mesüi amshiba aser junga ketdang masüba atema Assam governor cum Dibrugarh University chancellor-i fact-finding committee ka tenteta liusü.

Taoba mapang Dibrugarh University nung tesayurtem aser kaketshirtem den mapa inyakertemi vice-chancellor ajanga senotsü tim mesüi amshiba atema lungkak aitba sentongtem ayonga agiogo.

Aluyimertemi tenzükba movement mazüoktettsü: Meghalaya governor



Satya Pal Malik

Shillong, February 5 (Agencies): Centre-i Farm laws asem meyipa magitsü ta shiaka, Meghalaya governor Satya Pal Malik-ibo aluyimertemi inyakba mapa ya manendaktsütettsü ta shiogo.

Farm laws asem meyipa agiang ta takhangba agüja

Delhi arrtsülen aluyimer meyirjang aika adenshir lungkak aiter.

Iba onük ya jungjunga mereprangi yutsüra, tarutsü atema timtem tulu bentsür arutsü, ta Governor Malik-i ashi.

Tekong merangtepba ya tekaratiba nung olemtep ajanga angatetteptsüla, kechiyong movement kecha tashiyim agi mazüokteter, ta paisa shisem.

Aluyimertemi lungkak aitba ya linük kübok kinük-kisang ajak tongogo. Anungji Union Home Minister Amit Shah-i iba tebilemtsü koktettsü atema molungso sayua olemteptsüla, ta Governor Malik-isa metetdaktsü.

"Ni Union Home Minister dang iba osang ya Prime

Minister Narendra Modi dang shiang ta shiogo" ta paisa ashi.

"Home Minister-i ashiba ajak angar aser pai tiyongtsüi aiba ajanga Rakesh Tikait aputsü aliba meinyak aser sepaitem agien" ta Malik-isa shisem.

Manipur nung telungpur den tezüngzüktep agiba asadangshitsü

Imphal, Tsüklai/February 05 (Agencies): State nung sorkari telungpur telok balala den yanglutepa aliba Suspension of Operation (SOO) reprangshitsü, ta Manipur chief minister N Biren Singh-i ashi.

Tang temendak state legislative assembly nung governor's address nung amendments yanglutsü onük benokba atema opposition MLA temi asüngdangba

Asür Tech Meena tepsetba atema police-i charge sheet agütsü

Itanagar, February 5 (Agencies): Arunachal Police-i Yupia nung Chief Judicial Magistrate okadak nung Tech Meena tepsetba ken o indang charge sheet agütsüogo.

Iba ken o dak sendakba nung police-i Dathang Suyang, Kapwang Letey Lowang, Taney Khoiyang, Damriet Khoiyang, Chumi Taya, Vijay Biswas (Dengu) aser Tech kinungbo Roni Lishi nung pua lir.

Tech Meena Lishi kinungbo Roni Lishi ya iba ken o nung tongti süa tai tonglokja lir.

Parnok ajak Indian Penal Code nung 302, 120 (B), 201 aser 316 arrlatem kübok tai tongloksüogo, ta Naharlagun sub-divisional police officer (SDPO), Rike Kamsi-i ashi. "Maparen kar ano metembang lir aser itemji onoki inyaktsü.

supplementary charge sheets ano agütsüsü" ta Kamsi-i ashi.

Ita tenet mashisa tetsür tepsetba atema Arunachal Pradesh nung telok aikati lungkak aitba sentongtem ayonga agiogo aser parnoki aibelenertem pua merenshi takhangba agütsü.

"Onoki anogo 90 tsüngda charge sheet agütsüsü lateta aliba ama agütsüogo. Onoki mapang magi. Ajisüaka, iba ken o dak sendakba nung charge sheet benoktsü atema mapang talila agibaji nisung aika asüba agi lir. Ano, kuli agütsür aika liasü aser iba denji kulikakettem aser tesemtem aika liasü" ta Rike Kamsi-isa metetdaktsü.

Asür Tech Meena ya la kinungbo Lishi Roni-i nisung kar nem sen agütsür November 5, 2020 nü tepsetdaktsü.

Güntok shikarir tongtiba Arunachal nung apu



Assam Forest department aser police-i Hokolbarnü Jobi Gadi apuba sülen agiba noksa angur.

Guwahati, February 5 (Agencies): Assam nung kanga dang meranga aputsü bushiba güntok shikarir Jobi Gadi Arunachal Pradesh nung puogo.

Assam Forest department aser police telok kati Hokolbarnü Arunachal Pradesh kübok Naharlagun nung Jobi Gadi apu.

Jobi Gadi-i Kaziranga National Park nung shiruru aika khasetba nung shilem agiogo ta tai tonglokja lir.

2010 nungi Jobi-i Kaziranga National Park nung güntok khaseta shibelenba mapa nung shilem agia aru.

"Pai mapang talangka Kaziranga National Park nung güntok khaseta shibelenogo. Paisa güntok tezüttem shibelenba mapa nunga shilem agiogo" ta Assam Forest department ketdangsür kati ashi.

Jobi Gadi-i 2016 nungi Kaziranga National Park nung tezü ka aloiba güntok 30 tema khasetogo.

Biswanath civil aser police administration den International Rhino Foundation nungi Rahul Dutta nungertemi tanga ketdangsürtem den Jobi Gadi aputsü mapa nung yaritepa liasü.

langzüdang Chief Minister Biren Singh-i iba o ya ashi.

Centre, state sorkar aser Kuli telungpur telok 25 shi tsüngta SOO ya 2008 kûm zülutepa liasü.

Telungpur tem ya sorkari state nung Kuki nungeri amokbanga alidak designated camp tem nung yua lir.

Sorkarisa iba ama ceasefire agreement ya Meitei kin nungi telok kar den zülutepa lir, aser parnok ya designated camp

tem nung alir.

Indo-Naga yimtenren onük jangjashitsüba mapang, NSCN-IM aser Centre tsüngta yimjung tangatetep kati arutsü sorkar teimla lir, ta Biren-i ashi.

State nung tensa kanga tajungba akumer, anungji Armed Forces (Special Powers) agientsü atema sorkari tapet meratem agitsü renema lir, ta Manipur Chief Minister-isa ashi.



TIR YIMYIM YIMOBILEM (EDITORIAL)

DIMAPUR KÜPTOKNÜ, TSÜKLAI (FEBRUARY) 06, 2021

Kong kechi azüngtsü ?

Kaketshisatsü bushir kaketshirtem aser parnok tsüraburtem asoshi tebilemtsü tulutibaji zünga-zünga class temabai atudang aser ano talisa class 10 aser 12 ajanger külen kong kechi azüngtsü ta asüba tebilemtsü ya lir. Atangji, kaketshisatsü bushibaji taküm nung mapa tajung ngua, pei asoshi dang masü saka tangar asoshia temoatsü taküm küma alitsü asoshi azünger, anungji ajaki zünger külen tulur kümner aser jenjang tajung nung linür. Ibayongji, aikati medical doctor, engineer, lawyer aser professor ama jenjang tajung ajangzükteta nübortem tenzüka linür. Ajisüaka, aiben tanurtemi jangraba aser zügnübaji masü saka tsüraburtemi pei jangraba aser nükshiba mapatem apia tanurtem azüngtsü ajungshir aser aikati tanurtemi mejangrar ser nung kangshia züngdaksür. Iba jagi tanurtem aika mezüngtet taküm raksaa aoba otsü lir aser züngtetyonga pei mapa agi temulung süa jangratema meinyaker. Tsüngremi tasodangyongi nisung shia nem teinyaktsü mapa kaka lemozükja lir. Iba mapaji meteta inyaksübbaji asenok nisung shia asoshi kanga tongtibang lir. Tsüngremi asen business inyaksü lemozüktsü nung arogo nung inyakra jangramatemtsü, aji oda medical doctor azüngtsü lemozüktsü nung yimten nung inyakra takoksa angutsü. Ano, komo sempaba aser temeim maliba nisung ka medical züngdaksü nung kechi akümtsü ? Iba amaji nisung shia nem lemozüksüba mapaji peisasa jangjateta meinyakra, asen nem lemozüksüba mapa yutsür tangar jilu bena tangar mapa inyaksür asütsü. Iba tangatetba nung tsüraburtemi pei chirnurtem dak aketba sempet reprangteta, parnok jangraba mapa inyaka nübortem tenzüksüsa, parnok kechi jangrar aser kechi inyaka taküm linür, aji meteta züngdaksütsüla. Atangji, tanur asünungji, aikati tarutsü nung kechi kümner aji meshitettsüa akok, anungji tanurtem den shisalemsatapa parnok dak aketba jakla yimya aser sempet indang jembia telemtetba agitsübbaji kanga tenüngdaksü. Tanurtem dak sempet dang lirbo aser parnok jangraba mapa inyaksü asoshi, kechi züngdir züngaka, jungjunga züngra, parnokji kodanga 'Educated Unemployed Youth' masütsü. Shitakba nungbo 'Educated' masüba agi "Umemployed" akümer. Aji oda, kong kechi züngdir züngaka, jungjunga azüngtsüla. Iba nükjidongji ataloktsü atema tanur ka asoshi class 10 aser 12 adener kong kechi azüngtsü ta asübbaji kanga tongtibang akümer. Aji oda, joko, taküm 2021 küm asoshia class 10 aser 12 purtem tatidang yakta agitsü, anungji tanurtem o tsüraburtem na prongla asoshi takok junga angutsü asoshi dang masü saka takok ngur külena kong kechi azüngtsü ta asüba tebilemtsü agi shisabolua alitsü. Iba ama mapang nung, asenok ama kong kechi azüngtsü ta mejangjateti shisabolua alirtem nem tazüngdak len sayutsü asoshi kija aser lokti aikati shilem agir, ajisüaka India tesem balala nung kaketreju tapu aika lir aser itemji ajakbo tajung masü, anungji akok tashi meteta alirtem den asüngdangtepa jangjashitsübbaji kanga tongtibang lir. Tamalena aiben kija aser lokti tentetemi yaritepa tanurtem tazüngi odaktsüba purtem, pei kidang nungi apusoa orr tazüngdak maka akümba aser tazüngdakbo lir saka kaketreju tajung masü ta tenjiba tia maka tensa ajuruba osanga angashiogo. Iba amaji mataloktsü atema tangbo tsüraburtemi akok tashi meteta aser ajangshia alirtem den asüngdangteper külen dang telemtetba agitsüla. Tanübo asenok tia ajung, India nung tongtibang yimiteme ajunga nung Nagaland Baptist Church Council kübok Nagaland Mission Movement ajanga ayuba Naga Christian Fellowship lir aser yangji pastor kaka lir, anungji talangka bushia maoyonga item NCF pastor-tem den parnok alidak kaketreju tia indang asüngdangtep nunga parnok nungi teyari tuluka angutsü. Ano, tanurtem dak aketba sempet meteta azüngtsü atema, tanü asüngbo shisalen teyur aika lir, anungji parnok nungia shisatsü agitsü akok. Item lenmangtem rongnung kaketshirtemi pei dak aketba sempet jangjatsü asoshi peisasa Psychometry Test agitettsü. Iba test agitsüba lenmangji Bodhi.co.in website nung reprangdangra angutsü. Iba psychomery test ajanga nisung ka dak kechi sempet lir aser pa mesüra laji kechi azünger nung aser kechi inyak nung ajungtsü, iba shisalenji teyutsü. Aji oda, tanü asüngbo tsüraburtemi mulungba nunga masü aser tangar medemertem jilu ajizüka masü, saka pei dak aketba kolok aser sempet yari zünger pei mapa agi pei temulungsüa jangratema inyaka alitsüsa psychometry test agitsübbaji kanga nüngdak kümogo. Taküm tatsüka alidang inyaksüba mapaji tulu-tila ta masü aser sen kwi ajangzüker ta masü saka asen mapa agi asen nümadanga pelashishia inyaker asü meinyaker ta asübbajiang tongtibangtia asütsü.

OLEMSABANG

Pei sasa züsentetba taküm

Bendangsanen

(Iba ocet ya Longchara Baptist Arogoi adokba Shisalenjem

Adok 7, 2020 nungi agizuka adoktsür)

Adam aser Eva-i kodang Tsüngremer ozünger anema aibelen, iba mapang nungi tenzüka meimchir akümüli tepiyong meranga asentzü süna inyaka soyapokya aotsü lemozüktsü. Asen tsüraburtem aser tetsü tebu taküm kodang reprangdangdir kanga dang meraketa shinga danga metaloka melii pei sasa meranga züsenteta, inyakteta chiajema aru. Sorkar mapa dak metaloka melii pei tashi yari züsenteta, inyakteta chiajema aru. Tanü parnok taküm denji medemdangra asenokia koba tashi item yimya ya benshir ?

Yangi, pei sasa züsentetba taküm ta süra "tangar dak memetaloki pei tajangraba inyaka pei taküm, kibong tepela tesünep aser anisüngzüker ngua aliba taküm" ta ashitsü akok. Alima tsütsülen nungi reprangdangra nisung kati pei taküm nung nükjidong yur taküm lia otetba aser rongsen süshia inyaksangshi balala nung süshia mapa kokteta aoba aser ayong ayonga aliba taküm.

Asenok meimchir aikati iba alima alima nung jangratema alitsübbaji education tulu ngur, rongsen aika lir, sorkar mapa tajung alinung dang taküm jangratema alitsü ama bilemer. Hau ! rongsen aser educationji nüngdaker saka nisung ka taküm jangratema alitsü lenmang aika dang lir. Temulung kanga shia bilemba kaji ajaki sorkar mapa dang raktepa kazüdang tetemjen mapang tajung aser kümtem süidaksür. Pei sasa züsentettsü lenamangji sorkar mapa dang mesüaka teka mapa jenti lir. Carpentry, cane work, knitting, weaving, farming etc., item amala mapa balala pei sasa inyaka takümji jangratema anisüngzüka litettsü.

Asenok meimchir taküm nung Tsüngrem den tesendaktep tajung yur taküm tanela renemshia koba mapa südir süaka temulung agüja nendaka inyakra tajangzüker ctulu den anisüngzüker tepela angutsü. Aser pei sasa züsentetba mapa nungji teronem tajung sen jenjang tasak indang medem aser temulung chia tepela tesünep angutsü. Asen Naga lima ya tzü-ali talubusa aliba den raw materials agir magima lir sünnung kechisarena ajak atema tangar dak metaloker putu aika tesusatsüka süidaksüogo.

Asenoki dang süngjanglijang aser aonsotsüa tanga lima nungi bener aruer asen lima nung shishilembaba aser rongsenketsünger ajak tangar nem amokbangdaksür. Anungji asenok nübortem asenok tekolok salaa aser azümesen tanela ajak indoka küm kümshir pei sasa züsenteta asen peria agir tangar nema agütsütettsüsa meranga inyaker taküm kaka asütsü asoshi ayongzüker.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Kenya nung Tenla ki 5 rongdokba sülen Khristantem tsübur



January 24, 2021 nü Kenya nung Otamba yimdak Worldwide Gospel Arogo Tenla ki rongdoker aliba noksa nung angur.

Nairobi (Kenya), February 05 (Agencies): January 20 nungi January 24 tsüngda Kenya anüdoklen aliba yimsüng ka nung mejangjaba nisungtem Tenla ki pongu rongdoktsüogo.

January 20 nü Kisii county kübok Otamba yimdak mejangjaba nisungtemi St. Monica Arogo Tenla ki rongdoktsü, January 21, 2021 nü Worldwide Arogo Tenla ki rongdoktsüba den Seventh-day Adventist Arogo Tenla ki ka aser Legio Maria Arogo Tenla ki ka rongdoktsü, January 24 nüa kasa yimdak züngsem 250 aliba Pentecostal Arogo Tenla ki ka rongdoktsüogo, ta osang

ka ajanga metetdaksü.

"Tenla kitem rongdoktsüba dang masü saka mi senoktsürtem jagi Tenla kitem nung scü onloksü. Tenla kitem rongdoktsüba sülenbo Khristantem aikati tekülem sentong nung adentsü tsübur," ta Khristan kati metetdaksü.

Item tatalokba sülen Church & Clergy Association of Kenya-i item tatalokba aitsüogo. Parnoki sangdong ka ajanga, "Onoki ketdangsertem dang iba tatalokba junga bushisüngdangtsü aser aibelenertem jungkai adoktsütsü akhanger," ta metetdaksü.

Arogo lenirtemisa police dang item tesem nung security

peria agüjang ta metetdaksü.

Pentecostal Arogo nung Chairman, Daniel Ratemo-i sangdong ka ajanga Khristantem dang senotsü teyari agüjang aser Arogotem atema sarasademjang, ta mepishia metetdaksü.

Legio Maria Arogo nung putir katia police dang aibelenertem bushia aputsü mepishiogo.

Alima nung Khristantem tamajungba reshikangshiba linük 50 rongnung Kenya ya jenjang 49buba nung lir (Open Doors' 2021 World Watch List).

Kenya nung Khristan nütsüng million 44 lir aser Khristantem nütsüngji shilm 80 dak tema lir.

Iraq nung election atema sarasademtsü Khristantemi ayongzüker

February 05, 2021: 2019 küm October ita nung Iraq linük nung sorkar anema longkak sashia aita liasü aser taküm-a October ita nunga iba linük nung election agitsü lia Khristantemi Iraq atema sarasademjang ta mepishia metetdaksüogo.

2019 küm sorkar anema longkak sashia aitba mapang nung Khristan ministry balalai yimti-yimdong nung nüburtem den Khrista osangtajung lemsatepa liasü.

Longkak aitba mapang nung ministry balalai Khrista osangtajung prokba ajanga Muslim nunger aikati Yisu Khrista agizüker.

January 25, 2021 nü Chaldean Khristantemi linük nung tesünap aser security alitsü atema anogo asemnü lumia sarasademogo. 'Nineveh Fast' ta ajaba lumia sarasademba sentong nungsa taküm March ita nung Pope Francis-i linük semdangtsü aliba

atema-a sarasadem.

Taküm October ita Iraq nung elections agitsü lia yimtenren party tasen aikati iba election nung tokteptsü sangdongogo. Register süa aliba party 260 nungi party 60 bo tasen aser party tasen karbo 2019 küm longkak aitertemi tentetba party tem lir. Taruba election nung Khristan yimsü agizükertemi (Muslim Background Believers) shilem tulu agitsü ta bilemer.



Wb. Jemtimenba Mollier's Academic Block - ki meshitetba sentong tanü February 5 (2021) anogo nung Eastern Theological College, Jorhat nung agiogo. Iba academic block meshitetba (dedication) nung Rev. Dr. Prof. S. Shimray, Vice-Principal sentong lenir liasü. Iba sülen Rev. Dr. Prof. Narola Imchen - Principal-i acknowledgement aser dedication mapa ji dedicatory osang tatsüka agia Kolosi 3: 17 "Kibuba asoshi asenoki mapa inyakba" nung ajemdaker lemsatep. Iba shilem agir külen, Wb. Jemtimenba Mollier-i Principal nem ki jabi (key) ji ammoktsü. Tetenlar kibong nungi, Mrs Mollier-i tepelaba lemsatepa liasü. Nangzukba ama, tetenlari iba academic block (main building ki tema) ki-ojen asüba sen ajak pa aser par kibongi tenla tulu agüja liasü. Sentong nung adentsü asoshi, Wb. Mollier den, pa kinungtsü, jala, anük-apang aser kinunger, Dr. Imti Longchar - Pastor of Chumukedima Ao Baptist Arogo - aser par kibong Dimapur nungi alua liasü. Temeshitetba sentong nung college faculty, DTh students aser kibongtem dena temoatsü tulu ngua liasü.

Asen adianu aser lenir Wb. Mollier ya Tsüngrem tsübuba nisung aser shishilembar aser lokti ajungtsü meji inyakba tetemsu nübo ka lir. Tsüngremer wadang asoshi pa tenla tajung aser pari mapa tulu inyak nung, college lokti ajungai asen lenir taküm, mapa aser kibong ano tali asen Tsüngremi moshia moajangma ta sarasademtsür.

ANOGO ABEN TSÜNGREM DEN

Tsüngrem Metetang

Ajangshia aruba ajanga Tsüngrem metetba aser theological text book ka ajanga Tsüngrem metetba keni balala lir. Laishiba nung ashir, nai Pa majuru tashi, nai Tsüngrem metet ta ashitsü makok (Fil. 3:8,10). Lairen metetba nung teti tajangshiba dena lir. Nai tasü meiti bilemtsü akok kechiaser Laishiba nung shia aliba ochitemji nai ajangshiba dang nungi takaba aser tarokba lir.

Ne taküm aser ne mapa nung Tsüngremer ain ajangshia marui lira, tangari ashiba, angashiba nai metet ama temulung lema teli. Yisu sarasademji na Tsüngrem dangi arutsü aser ne taküm aser mapa nung Tsüngrem atenba metettsü atema Sarasadem. Nai majangshi nung Laishiba nung shia aliba Tsüngrem ain tezütok. Laishiba nung shia aliba jenjang nung ne temetetbaji liang. Tsüngremer temeim tekolok agi metetbaji dang tesüdaksü. Ne taküm nung anogoshia pela alitsü atema Tsüngrem temeim lenten metong, tarok aser teladak ajak metettsüla.

Laishiba ochitem lir ta nai bilemra aser aji nai metetta melira anogoshia taküm nung aji metetta alitsü Tsüngrem dang sarasademang. Nai aji agizüktsü Tsüngrem dang leman asüngdangang. Tsüngrem tenangzüka tesendok, nai ajungaji memetet tashi item nungji liang.

Bangladesh nung America nunger missionary, Peixotto süogo

Dhaka, February 05 (Agencies): Bangladesh nung America nunger missionary ka asüba atema tang linüki mangyimdar; missionary jagi tesüiba küm 60 dak tema linük nung shisaliok agütsüba tsütsü shilem tulu agia liasü.

February 4, 2021 nü Bangladesh yimtiba, Dhaka nung putir, Joseph Stephen Peixotto alima nungi pilaogo; pa arrshi küm 87 liasü. Ita ka tejaklen pa dak coronavirus tashidak putet saka aneper lia pa alima nungi pilaogo.

Peixotto ya 1933 küm May 6 nü California nung asoba sülen Portland University nung Engineering degree agi aser Washington D.C nung aliba Catholic University of America nung Master's degrees (physics aser theology) agia liasü.

1962 küm pa East Pakistan (tangbo Bangladesh)-i arua liasü. Küm ka tashi pai Bangla oshi angazükba sülen pai Dhaka nung aliba Holy Cross-run Notre Dame College nung join süa küm 34 tashi tenzüka liasü.

1976 nungi 1998 küm tashi pa Notre Dame College nung principal inyak. Pa iba college nung inyakba mapang nung linük nung shisaliok reju tajungtibaji iba college liasü.

Paisa Catholic Bishops'

Conference of Bangladesh indang Education Commission secretary-a küm 15 tashi inyaka liasü.


Pa Government education advisory board nunga züngsem liasü. Iba dak alia Arogotemi ketdangtsüba shisaliok reju balala indang governing board nunga züngsem inyakogo; item college rongnung St. Gregory's School & College, Udayan Secondary School, Barishal aser St. Philip's High School & College densema lir.

2014 küm nungi pa Holy Cross-run Notre Dame University nung Senyur liasü.

Pa asüba sülen Khristan lenir aser putir aikati pa nem tetushi den akhüm agütsüogo; parnok rongnung Holy Cross putir, Adam S. Pereira (registrar of Notre Dame University) aser Catholic bishops' Education Board Trust secretary, Jyoti F. Gomes na densema lir.

February 4 nü Moreau House aser St. Mary's Cathedral Church na nung pa den asüpila sentong ana agiogo, iba sülen February 5 nüa Holy Rosary Church nung asüpila sentong ka agiba sülen Dhaka anasa aliba Gazipur district kübok Bhadun nung aliba Holy Cross priests' cemetery nung

tasüman remtsüogo.

OLONG PAITEP # 5716**TIPIEN**

1. Nisung jenti
4. Tsük rudenba
6. Temzüng tesashi
8. S _ _ i
9. Nisung rongnung telemsa
10. Anogoshi
12. Ajanga aor
13. Tsük rizüngdak
14. Tebang nungi adokba
16. Süngdong tatembangtiba
17. Meputep

LANGTSÜNGLEN

1. Tenük telong
2. Committee dang ajar
3. Yagi ki okdoker
5. Yim lenmang
7. Temoatsü keter meyipa aruba
11. Kanga junga menemba
12. Kenyongi majinü
13. Rong kanga tulu

OLONG PAITEP # 5715 TELANGZÜBA**TIPIEN :**

1. Tanga, 6. Wara, 7. Rajang,
9. Anük, 10. Jenjang, 11. Alar,
14. Ngashi, 15. Nala, 16. Mechi.

LANGTSÜNGLEN :

2. Anga, 3. Yabang, 4. Tarok, 5. Orak,
8. Ainer, 9. Anema, 10. Jabili,
11. Among, 12. Miim, 13. Anem.

Nai Ongko ya inyaktettsü asü ?

+ + = 30

+ + = 20

- = 7

+ × = ?

TANÜBO NAI LANGZÜANG

Q. Koba küm China-i Assam Rifles amak ?

- A. 1960 B. 1956 C. 1959 D. 1966

===== (Taruba adok nung onoki langzütsü)

YASHI ADOK TELANGZÜBA : 2018

NAI-A YA METETTER MA?**JANUARY, 2021' NUNG SAYABA KEN TASEN KAR:**

Track Title	Artist / Band
* Baby Chicago	Jaruggz, KeyawnDramaJackson
* Sudley	Alfred Jones
* Whisper My Name	Adeline
* When this is over	Someplace \ Somewhere
* I Feel High (with DRAMA)	Poolside, DRAMA
* teeth bared	BIANCO
* Come In Closer	Rhye
* Lose Your Head	London Grammar
* It Won't Hurt You	Triptides
* Leaving The Lighthouse	Another Sky
* Last Time	Adam Melchor
* Hoprock	Madlib
* Peur des filles	L'Impératrice
* Color Palette	Araya
* Can't Leave It Alone	Aaron Frazer
* Whiskey Road	Illunis
* WØ35	Lola Montez
* No One Is Missing	Valley Maker
* And You're Mine	O Future
* Daddy	Charlotte Cardin
* Queen	G Flip, mxmtoon
* Le Point Zéro	Freedom Fry
* White Sands	Still Corners
* Questions	Middle Kids
* Drink The Lake	IAN SWEET
* Close To You	Dayglow
* More Like You	Orla Gartland
* Oidar	Hether
* Got Em	Rochelle Jordan
* Black Maps	Mint Julep
* Early Morning Breeze	Kishi Bashi
* Swim Test	Cassandra Violet
* ACTION	CHAI
* Nadia	Datsnell
* theCHILL	S.E.E.N
* Knuckles	Darkplay
* There, There	Astrid Cordes
* Sweet & Dandy	Tash Sultana
* Safeword	Rhye
* Colours	Torii Wolf

SUDOKU # 5757

2	8	5			9	4	1	3	5	3	7	4	9	8	2	6	1
	6	1				2			6	1	4	2	3	5	9	7	8
	3		1		2	6		7	2	9	8	7	1	6	4	5	3
							5	2	8	5	1	9	2	7	3	4	6
	5	2	4	6				9	4	2	3	6	5	1	8	9	7
8	9			1			4		7	6	9	8	4	3	5	1	2
	7	8	3				6		1	4	5	3	6	2	7	8	9
3					7	5	2		9	7	2	1	8	4	6	3	5
9		4		8	6	7	3		3	8	6	5	7	9	1	2	4

TELANGZÜBA # 5756**OJANG LUTEP # 5304**

GTNAAR	:	☐	☐	☐	☐	☐	☐
IMMTTE	:	☐	☐	☐	☐	☐	☐
DOENNLG	:	☐	☐	☐	☐	☐	☐
UAAURJ	:	☐	☐	☐	☐	☐	☐
AANNGGUD	:	☐	☐	☐	☐	☐	☐
NNGISU	:	☐	☐	☐	☐	☐	☐
AJUTAMRBNGEO	:	☐	☐	☐	☐	☐	☐
MJIET	:	☐	☐	☐	☐	☐	☐
NUAG	:	☐	☐	☐	☐	☐	☐
ATPLPEER	:	☐	☐	☐	☐	☐	☐

OJANG LUTEP TELANGZÜBA # 5303

KWIBEN KULI BUSHIDIR PAIBENJI KULI TASEN
ANGÜTSÜ LENMANG BALALA LAPOKER

TAN HOPTA ATEMA - KOMA SÜLA ?

Q. Nagaland nung COVID-19 vaccine ya taginür ajak nem angati agütsü nunga koma süla ?

Olong 20 shi nung February 05, 2021 tashi nung iba telangzüba ya onok dangi (e-mail - tiryimiyim@gmail.com) :
(SMS - 9856121232 / 9436072422) : (WhatsApp - 7005723372 / 8729995804) : (tiryimiyim.in) ajanga yokang. Telangzübatemji taruba Honibarnü adoktsütsü.



Mumbai, February 05, 2021: LPG aser totzü jenjang atuba atema Hokolbarnü Navi Mumbai nung Shiv Sena party züngsemtemi Konkan Bhavan nung sorkar anema longkak aitba noksa nung angur.

Opposition party temi aluyimba ozüngtem agientsü akhanger

New Delhi, February 05 (Agencies): Hokolbarnü Rajya Sabha nung Shiv Sena, SAD, NCP, Congress, Samajwadi Party aser left parties densema opposition party aikati sorkar dang aluyimba ozüng asempronglaji agienba sülen ozüng tasen benoktsüla, ta takhangba agütsü.

Aluyimba ozüng tasen asem anema longkak aiter aluyimertemi 'linük anemertem lir' ta aitsüba den külemi aluyimertem longkak aitba tenüng mesüktsüba atema atema opposition party temi Centre sorkar aitsü.

Rajya Sabja nung jembidang Shiv Sena MP, Sanjay Raut-i, ochi jembir ajak dang linük ashioktsürtem mesüra linük anema inyaktertem, ta aitsü; sorkar aitsürtem anema linük anema inyakba ken otem benoker, ta metetdaksü.

Paisha, pei temeden atema rarar aluyimertem dang 'linük anema inyaktertem' mesüra Khalistanis ta tenüng jaloktsür, ta pai ashi.

Pai ashiba agi, Mughals aser British nunger den raradang aluyimertemi 'mongin rarartem' ta aja saka tangbo parnoki Delhi arrtsüen parnok temeden atema raradang parnok dang linük anema inyaktertem, ta ajar.

Raut-i, "Punjab, Haryana aser anüdoklen Uttar Pradesh

nungi aluyimertem Delhi arrtsülen mener linük nung aluyimer ajak tenüng nung raradar, anungji parnok olaji angatsüla aser aluyimba ozüngtemji agientsüla," ta ashi. Delhi arrtsülen aluyimertem nokdangtsü atema sorkari jara yangluba aser atsü atsüba dak sendakba nung Raut-i, "Delhi arrtsülen tenokdangbatem ayuba amaji International arrtsü nunga nenoki atsü atsüra China nungeri linük telungi maitla," ta ashi.

NCP MP, Praful Patel-i, Centre aser state temi longjemer coronavirus wara anema rara. Sorkari aluyimertem ajungtsü atema inyaker süra kechiba aluyimba ozüngtemji Select Committee ka nem tama magütsü," ta ashi. "Onoki akhangba ama sorkari item bills ji Select Committee ka nem agütsü asübo tanü Delhi nung yamai matalokla. Kechiba item ozüng aritepa benok," ta Patel-i asüngdang.

BSP MP, Satish Chandra Misra-ia sorkar dang aluyimba ozüng tasen asempronglaji agientsüla aser alu nungi züsentetba aonsotsü ajak nung minimum support price (MSP) agütsütsü ta legal tenangzükba agütsütsüla, ta ashi.

SAD lenir, Sukhdev Singh Dhindsa-i, Ato kilonseri tiyongtsüü aita inyaksüla aser

aluyimertemi akhangba olaji angatsüla, ta ashi.

Paisha, "Aluyimertemi akhangba ama sorkari item ozüngtem agientsüla. Opposition party ajaki kasa takhangba agütsür," ta ashi.

Congress lenir, Pratap Singh Bajwa-i January 26 nü Republic Day anogomong nung aluyimertemi tractor rally agiba mapang nung rara adokba junga bushisüngdangtsü atema Supreme Court judge ka leniba nung committee ka tentettsüla, ta takhangba asütsü.

Paisha, Ghazipur nung aluyimertem Delhi telungi aitba nokdangtsü atema jara yangluba ya Berlin Wall aser concentration camps den mesükteper, ta ashi.

Pei temeden atema nokdaker aluyimertem dang 'linük anemertem' aser Khalistanis, ta ajabaji tim masü, ta shia pai sorkar aitsü.

Senden nungsa IUML MP, Abdul Wahab-i MPLADs fund tanaben agüjang ta mepishia liasü. Senden tetenzüklen CPI MP, Binoy Viswam-i, linük rongsenkettsüng jenjang majungba ya Tsüngremi inyakba lir ta sorkari jembiba atema aitsü.

Paisha, tang aluyimertem tensa ya Tsüngremi masü saka sorkar asalentong ajanga lir, ta aitsü.

Covid vaccine agir lakh 44 nungi AEFI 8,500 dang liasü: Rajesh Bhushan

New Delhi, February 05 (Agencies): India linük nung coronavirus vaccine agirtem shilem 97-i temelung asüba lemsatepogo, ajisüaka iba vaccine agir shilem 11-ibo parnok nem adverse events following immunisation (AEFI) indang jelia memetdaksüü liasü, ta ashi.

Vaccine agir lakh 37 den sorkari tongtepratepa liasü aser iba nungjagi nisung lakh 5 dak temai dang (5,12,128) telangzüba agütsü.

Telangzüba agütsür shilem 97.4-i vaccine agütsüba booths nung social distancing liasü ta ashi, shilem 98.4-i iba inyakyim indang parnok nem jelia metetdaksür liasü ta ashi, shilem 97.1-i parnok vaccine agiba sülen minute 30 atadaksü ta ashi aser shilem 97.4-i vaccine agütsüba inyakyim agi temelung asüba lemsatepa liasü.

Tang tashi nung AEFI 8,563 dang lir aser ibaji vaccine agir

shilem 0.2 dang lir; vaccine agir nisung 34 bo hospital-i anir aotsüsa aküm.

Health secretary, Rajesh Bhushan-i, vaccine agiba sülen nisung 19 süogo, ajisüaka parnok asübaji vaccine agiba den sendaktepa mali, ta metetdaksü.

Vaccine agiba sülen asür ajak dak post mortem agiogo aser state den national immunisation committees-i item osang maneni asadangdar.

Anogo 18 tsünga linük nung health workers shilem 45 iba vaccine agiogo aser vaccine agir million 4 tekaraba ajungba linükji India lir, ta paisha metetdaksü.

Bhushan-i ashiba agi, tang public facilities 5,912 aser nija facilities 1,239 nung vaccine agütsüdar aser Co-WIN system ajanga vaccine agirtem dang nungi metetpelaa osang bendener.



February 5, 2021 nü Lucknow nung medical personnel kati District Magistrate, Abhishek Prakash nem coronavirus vaccine tutsüba noksa nung angur.

Delhi, UP, Uttarakhand dak alaka ajaklen lenmang nokdangtsü: Tikait

New Delhi, February 05 (Agencies): Centre sorkari benokba aluyimba ozüng tasen asem anema Delhi arrtsülen aluyimertemi maneni longkak aitba mapang nung Bharatiya Kisan Union (BKU) lenir, Rakesh Tikait-i, February 6 nü Delhi, Uttar Pradesh aser Uttarakhand dak alaka tesem ajaklen ghonda asem gari lenmangtem nokdangtsü, ta metetdaksü.

Hokolbarnü aluyimertem longkak aitba tesem- Ghazipur arrtsülen osangbenertem den jembidang Tikait-i, gari lenmang nokdangba ajanga lenmang nung timtem ajangshirtem nem aluyimertemi tzi aser chiyungtsü agütsütsü, ta metetdaksü.

"February 6 nü ghonda asem tashi gari lenmangtem nokdangtsü. Delhi nungbo magütsü saka Delhi adener tesem ajaklen agütsü. Ibaji ajanga gari nung senzüsempongertemi timtem ajurutsü; parnok nem chiyungtsü den tzi agütsütsü. Onoki parok dang sorkari onok dak inyakba indang ashütsü," ta Tikait-i metetdaksü.

Ghazipur arrtsülen gari lenmang nung sorkari jara aser kojat yutsüba dak sendakba nung tasüngdangba ka langzüdang Tikait-i, "Onoki iba tesem nungji aonsotsü adokdaksür saka sorkari kojat angüna yutsür," ta ashi.

International celebrities-i India nung aluyimertemi longkak aitba pusema jembib dak sendakba nung tasüngdangba ka langzüdang pai, "Hollywood artist temi aluyimertem pusema nungji kecha timtem mali. Ni parnok memetet, ajisüaka parnoki onok dang nungi kecha meimlai onok pusemer," ta ashi.

Yaküm November 26 nungi tenzüka state balala nungi aluyimertem Delhi arrtsülen adenshir aluyimba ozüng tasen asem anema longkak aiter. Sorkari benokba ozüng tasen asemji Farmers' Produce Trade and Commerce (Promotion and Facilitation) Act, 2020; Farmers Empowerment and Protection) Agreement on Price Assurance and farm Services Act 2020 aser Essential Commodities (Amendment) Act, 2020 lir.



Visakhapatnam, February 05, 2021: Centre sorkari Rashtriya Ispat Nigam Limited (RINL) nija nem agütsütsü telemtetba agiba anema Hokolbarnü Visakhapatnam nung Vizag Steel Plant nung inyaktertemi sorkar anema longkak aitba noksa nung angur.

Myanmar nung mitkar anema longkak aitertem apur



Naypyidaw, Tsüklai/February 05 (Agencies): Myanmar police-i menden nungi atsüngdoker aliba lenir Aung San Suu Kyi indang teyariteper tongti nübu ka puogo aser osang balala ajanga ashiba agi, mitkartemi tashiyim amshia sorkar atsüngdokba atema tejashi sayua nüburtemi chipo-aonpo akoshiba mechi Hokulbarnü nisung 30 shi apu.

Linük balalai mitkar yimsüsür dang sorkar meyipa agütsütsü ashiba ola tuluba akumer, aser U.N. Security Council ajanga Suu Kyi aser lenir dangartem pua aliba chioktsü ashi aser US Tir Joe Biden-i yimsüsür mitkar lenirtem nem tenokdangba agütsütsü asadanger.

Tang tesüsa tejangja nübu apuba ya arishi küm 79 tain Win Htein alitsü, shiba Suu Kyi temedanger tajung ka lir. Taoba mapang mitkartemi yimsü asüba anema nokdaka aruba mapang Htein ya aiben tepuokdak yua liasü.

"Asenok mapang talangka kanga mejungi amshia aruogo. Ni kodanga tsüpua mebilem, kechiaser kü arishi tepiyong nung ni aibelen mapa inyaka mali," ta pai osangbener dang

telephone ajanga ashi.

Myanmar nung yimti tulutem rongnung jenjang tanabuba nung aliba Mandalay nung nisung 30 apu, ta osang ajanga ashir. Hombarnü mitkar tashi amshia sorkar atsüngdokba anema aonung asem tashi chipo-aonpo akoshia longkak aitba mechi parnok ya apu, ta ashir.

Parnoki özüng raksaa nübur meyong yimtung nung ola adokdaksü, ta regional police force nung deputy head, Maung Maung Aye-i ashi. Ola adoka longkak aitertem apuba rongnung lanur ka dena liasü.

Longkak aitertem tashiyim amshia azüokba otsü aliba linük nungya nüburtem yimtung agi mesemi adenshir longkak aitba mali, saka mitkar tashi amshia sorkar atsüngdokba anemer temolung tuluba akumer, aser linük southeaster tsütsü Dawei yimti nung lanur kar yimtung nung longkak aita liasü.

Myanmar mitkartemi sorkar atsüngdokba mechi sorkar indang mozüki nung doctor temi mapa meinyakba den densema tesayura karbo mapai ao anenogo. Yangon nung aliba Dagon University nung azüingba kaketshirtemi campus telung

nung longkak aita jaja.

Suu Kyi'er teloki kanga junga takok ngutetba November election nung tim masüba mapa inyakogo ta tai tonglokja Army chief Min Aung Hlaing-i yimsü asü tenzüka lir. Saka electoral commission-ibo election timi agi, ta ashir.

Züngsem 15 aliba UN Security Council ajanga Brehostibarnü osang ka sangdongba nung azüdokshi nungi jenbua alitsü, meimchir temeden akhumtsüputsü, fundamental freedom aser rule of law shidak amshia democracy yimyatem kumzüka ayutsü ajungshi.

Akhi mapang nungi Myanmar den adenba linük, China aser Russia mesüzütsü mechi iba sangdong nung mitkar tashi amshia sorkar atsüngdokba ojang inoksema mali.

Arishi küm 75 tain Nobel Peace sempet ngur alila Suu Kyi ya Hombarnep apuba sülen kong aliar mejangjar. Lai özüng alema bendang linük nungi walkie-talkie radio trok bener arua temelaba magie amshi, ta police temi Suu Kyu anema ken o benoka lir.

Alexei Navalny maneni okadak nokdak

Moscow, Tsüklai/February 05 (Agencies): Kremlin anemsang aser tang tepuokdak yua alisang Alexei Navalny ya Hokulbarnü okadaki tanaben aru, shiba osang meshidak sangdongba anema ken o benoka lir. Anüolen linüktemi pa chioktsü takhangba agütsüba mapang aser European Union ketdangsürtem aser Russia foreign minister tem tsüngta senden mena jembishinüba mapang ibai ataloker.

Russia Tir Vladimir Putin anema nokdaker rongnung nübu tejangja, Navalny ya 2014 küm senotsü meshidaki amshiba ken o nung tepuokdak ayutsü temerenshi agütsüba nungi khen atema chiokba nung aibelen ta tai tonglokja küm asem jungnüa tepuokdak ayutsü atema Mongulbarnü obendang agütsü.

2024 sülena Putin-i tir kümsük ana tali inyaksü mela taoba küm constitution nung temelenshi kar inoksemtsü asoshi nübur ayongzüka video ka prokshiba nung shilem agir World War II veteran ka anema osang meshidak sangdongba ken o jembitsü atema Navalny Hokulbarnep okadaki aru.

Iba video nung adokertem ya molungsentsü amket ashikülakertem lir, ta Navalny-i shia liasü.

Tang iba ken o nung aitsürtem küm ana tashi tepuokdak ayutsü akok, saka pabo iba ken o nung tepuokdak mayutsü, kechiaser iba

inyakyim nung aibelenertem tepuokdak ayutsü ta özüng memelenshidang pai iba o ya jembia liasü, ta arishi küm 44 tain Navalny indang okatsüri ashi. Navalny-i taoba küm ashiba agi, pai yimtenren tsütsü Kremlin anema nokdakba tashi ajemdaktsütsü mechi ken o ya benok.

EU indang foreign affairs and security policy atema high representative, Josep Borrell-i linük yimtiba, Moscow nung Russian foreign minister Sergey Lavrov ajuruba mapang Navalny indang ken o ya jembir.

Shishilempaba ren nung tesendaktep tajung aser energy tsütsü kati ka dak metaloka liaka 2014 küm Moscow-i Ukraine nungi Crimea rakzüka sülen EU den Russia yimtenren tesendaktep kanga mejungi akum.

Navalny amshiba asoshi European Union ajanga Russia nem tenokdangba agütsütsü südi, ta asadangtetba mapang lenir ana ya ajurutepa senden amener.

Navalny tepuokdak ayuba mechi European Union aser anüolen linük aikati aitsüogo aser Europe nung Russia nem tenokdangba agütsütsü atema ola adokba tali akumer.

Navalny ken o ya linük telungzüng inyakyim ka lir, ta Moscow-i ashir.

Navalny apuba mechi Russia nung nüburtem longkak aitba mapang sepaitemi nisung 10,000 dak tema puogo, ta ashir.

Yemen rara nung US-i Saudi busemba Biden-i anentsür

Washington, Tsüklai/February 05 (Agencies): Yemen nung Saudi-i anir mitkartemi raraba nung United States-i yariba anentsür, ta Tir Joe Biden-i sangdongogo, aser ibaji ajanga administration tasenbai iba linük nung civil war tembangdaksütsü atema shilem tajungba agitsü sentong aliba sayur.

"Iba rara ya tembangtsüla. Aser asenoki inyakba nung takok angutsü atema asenoki Yemen nung raraba mapang America nungeri yariba ajunga anentsür, aser yangji nok-o-nü ayikba densema lir," ta US tiri State Department nung jembidang ashi.

"Kasa mapang Iran nungeri agütsüba tashi amshia Saudi Arabia nung missile amshia amaker, UAV (drone) agi amaker aser lendong balala agütsür. Asenoki maneni Saudi Arabia yaritsü, par temeden, litsü-lika aser nübur wazüka yutsütsü," ta pai Brehostibarnü ashi.

Biden-i iba o jembiba ya Saudi Arabia-i pelashishia

agizükogo.

Region nung tebilemtsü koktettsü atema Biden indang administration den amalitep alitsü, ta Saudi Arabia indang Foreign Minister Faisal bin Farhan al-Saud-i ashi saka Yemen nung Saudi Arabia-i raraba tembangtsü indangbo meshisem.

"Tir Biden-i tanü jembidang ashiba aser United States-i bendanga agür inyakba, asen security aser litsü-lika wazüka ayutsü atema chuba yimli den amalitep akatsü ashiba asoshi Saudi Arabia chuba yimli-i pelashishia agizüker," ta foreign minister-i Twitter nung ashi.

Saudi Arabia indang Deputy Defence Minister Prince Khalid bin Salman-i Brehostibarnü menur ishiben tweet asüba nunga kasaji shia liasü.

US-i raraba nung yariba anenba ajanga US-i Yemen nung amenoker Arabian Peninsula mesüra AQAP nung aliba al-Qaeda den operation balala agiba nung mokongshitsü, ta national security adviser Jake Sullivan-

i ashi.

Timothy Lenderking ya special envoy to Yemen inyaksü junger ta Biden-i sangdongba Saudi Arabia indang deputy foreign minister-i pelaa agizük.

Lenderking-i Yemen aser Gulf indang inyakyim kanga junga meteta lir. Pa ya deputy assistant secretary of state for Gulf affairs inyaka aru aser Riyadh nung aliba US embassy nunga inyakdanga lir.

US indang foreign policy nung temelenshi adokdaksütsü atema Biden-i Brehostibarnü ken o balala benok, aser item rongnung Yemen otsü ya dena lir. Taoba Tir, Donald Trump, Republican aser Democratic administration kari yimjung-tesunep tenüng nung bendanglen tashi tulu amshiba lenirtem yaria aru.

Yemen atema sangdongba ya Biden-i nübuyimba mapang nangzüka ama inyaker alitsü. Saka United States-i humanitarian crisis tulu ka adoktsü aliba nemjema aruba tatem kati arudaktsür amai

akumer.

Iba sentong ya ajungben benokba ama mesüdaksütsü mechi US-i Saudi Arabia aser par tembar United Arab Emirates nung ketdangsürtem den jembia arua liasü.

Biden administration ajanga telemtetba agiba yagi rara tatem kati arudaktsütsü, ta Yemen activist aikati benjonger, saka karibo iba mera yagi rara tatem kati marutsü, ta ashir.

"US-i yariba tatem kati aruba ajanga rara temembangtsü. Telok ajungai kanga jungsa asadangtsü nungdaker," ta Crisis Group nung senior Yemen analyst, Peter Salisbury-i ashi.

Yemen nung civil war aliba ajanga linük ajungai agizüka aliba sorkar ya Iran den sendaktepa aliba Houthi movement den tongpang nung nokdaker. Iba rara ya ajanga civilian densema nisung taküm meyrirjang aika samaogo aser alima nung humanitarian crisis tamajungtiba adokdaksü.

2015 küm March ita nungi

Saudi-i aniba mitkartemi sorkar den külemi rara aser Trump administration teyari agia arur, saka iba rara ya US aser Iran tsüngta rara talila ka amai kumogo.

Yemen nütsüng yongsük million 24 nungi shilem 80 shi timtem nung lir, ta United Nations ajanga asadangteta lir. Civilian tem tali asüba aser timtem tuoshi tali akumba ajanga telok balalai US dang Riyadh yariba anenang ta akhanger.

Saudi Arabia aser UAE linüki aniba teloktep sepa aser Houthi sepaitemi nisung jenti aliba tesemtem mung mortar, rocket aser missile tem khaloktsür, ta Human Rights Watch ajanga World Report 2021 nung shia lir, koba January ita adoka liasü.

"Teloktep sepaitemi rara yimya nung aibelena tayimtsü amshia civilian aser civilian indang ki-o-jen amaker, United States, France, Canada aser danga linüktem nungi alizükba nok-o-nü amshir," ta HRW ajanga ashi.

GOVERNMENT OF NAGALAND DIRECTORATE OF EMPLOYMENT, SKILL DEVELOPMENT & ENTREPRENEURSHIP NAGALAND : KOHIMA			
Govt. I.T.I 96th TRADE TEST RESULT Dated Kohima, the th February'2021			
NO.DET-7/20/2001 (Vol-VI) : The result of the 96th Trade Test under SCVT held in the month of November, 2020 at Government Industrial Training Institutes, Kohima, Dimapur, Mokokchung, Mon, Phek, Tuensang, Wokha & Zunheboto is hereby declared and the Roll Numbers of successful Candidates are given below :-			
Govt. ITI	Pattern	SCVT	Roll Numbers
1. Kohima	Annual (1 year)	SCVT	Km- 01, 02, 03, 04, 05, 06, 07, 08, 09, 10, 11, 12, 13, 14, 15, 16, 17, 18, 19, 20, 21, 22, 23, 24, 26, 27, 28, 29, 30, 31, 32, 33, 35, 36, 37, 38, 39, 40, 41, 42, 43, 44, 45, 46, 47, 48, 49, 50, 52, 53, 54, 55, 56, 57, 58, 60, 61, 62, 63, 64, 65, 66, 67, 68, 69, 70, 72, 73, 74, 75, 76, 77, 78, 79, 80, 81, 82, 83, 84, 85, 86, 87, 88, 89, 90, 91, 92, 94, 95, 96, 97, 98, 99, 100, 101, 102, 103, 104, 105, 106, 107, 108, 109, 110, 111, 112, 114, 121, 122, 123, 124, 125, 126, 127, 128, 129, 130, 131, 132, 133, 134, 135, 136, 137, 138, 140, 141, 142, 143, 145, 146, 147, 148, 149, 150, 151, 152, 153, 154, 155, 156, 157, 158, 159, 160, 161, 162, 163, 164, 165.
	Annual (1 st year)	SCVT	Km- 115, 116, 117, 118, 119, 120,
	Annual (1 year) Repeater	SCVT	Km- 32R2, 49R1, 142R1, 143R1, 144R1, 145R1, 146R1, 147R1, 148R1, 149R1, 151R1, 152R1, 153R1, 154R1, 155R1, 156R1, 157R1, 158R1, 159R1, 160R1, 161R1, 162R1, 163R1, 164R1, 165R1, 166R1, 167R1, 168R1, 169R1, 170R1, 172R1, 173R1, 174R1, 175R1, 176R1, 177R1, 178R1, 179R1, 180R1, 181R1, 182R1, 183R1, 184R1, 185R1, 186R1, 187R1, 188R1, 189R1, 190R1, 191R1, 192R1, 195R1, 198R1, 199R1, 202R1.
	Conventional (Private)	SCVT	Km- 01P, 02P, 03P, 06PR1, 07PR1, 848R1, 888R1.
2. Dimapur	Annual (1year)	SCVT	Dm- 02, 03, 04, 05, 06, 07, 08, 09, 10, 11, 12, 14, 15, 16, 17, 18, 19, 20, 21, 22, 23, 24, 25.
3. Mokokchung	Annual (1 st year)	SCVT	Mk- 01, 02, 03, 04, 05, 06, 07, 08, 09, 10, 11, 12, 13, 14, 15, 16, 17, 18, 19, 20, 21, 23, 25, 27, 28, 31, 33, 34, 38.
	Annual (2 nd year)	SCVT	Mk- 60, 61, 62, 63, 64, 65, 66, 67, 68, 69, 70, 71, 72, 73, 74, 75, 76, 77, 78, 79, 80, 81, 82, 83, 84, 85, 86, 87, 88,
	Conventional (Private)	SCVT	Mk- 01P
4. Mon	Annual (1 year)	SCVT	Mn- 01, 02, 03, 04, 05, 06, 07, 08, 09, 10, 11, 12, 13, 14, 15, 16, 17, 18, 19, 20, 21, 22, 23, 24, 25, 26, 27, 28, 29, 30, 31, 32, 33, 34, 35, 36, 37, 38, 39, 40, 42, 43, 44, 45.
	Annual (2 nd year)	SCVT	Mn- 90, 91, 92.
	Annual (1 year)Repeater	SCVT	Mn- 13R1, 41R1, 43R1, 45R1, 53R1, 68R1,
	Conventional Repeater	SCVT	Mn- 55R1, 77R1, 82R1.
5. Phek	Annual (1 year)	SCVT	Pk- 01, 02, 03, 04, 05, 06, 07, 08, 09, 10, 11, 12, 14, 15, 16, 17, 18, 19, 20, 21, 22, 23, 24.
6. Tuensang	Annual (1 year)	SCVT	Ts- 01, 02, 06, 07, 08, 09, 10, 11, 12, 13, 14.
	Annual (1 st year)	SCVT	Ts- 15, 16, 17, 18, 19, 20, 21.
	Annual (2 nd year)	SCVT	Ts- 43, 45, 46, 50.
7. Wokha	Annual (1 year)	SCVT	Wk- 01, 02, 03, 04, 05, 06, 07, 09, 10, 11, 12, 13, 14, 15, 16, 17.
	Annual (1 st year)	SCVT	Wk- 18, 19, 20, 21.
	Annual (1 st year) Repeater	SCVT	Wk- 30R1, 31R1, 32R1.
	Annual (2 nd year)	SCVT	Wk- 30, 31, 32.
8. Zunheboto	Annual (1 year)	SCVT	Zn- 01, 02, 04, 05, 06, 07, 08, 09, 10, 11
	Annual (2 nd year)	SCVT	Zn- 34, 36
Note : 1. Marksheet, Certificate, etc, for passed candidates will be issued from respective Industrial Training Institute, w.e.f 25th February, 2021 2. For detail information candidates may contact their respective ITI.			
			(CHIDEN YADEN) Director
Issued by DIPR			



Waromung Arogo Christian Education Ministry kübok Tesayurtem kinungtsü aser kinungbotem Feb. 1 - 2, 2021 nung "Calvary Prayer Mount" Tzürang nung "Tenzükba nung Arok shilem' omen nung ajemdaker tangazükba sentong tajung kaogo. Iba sentong nung shisalemsa sayurtemji Rev. Toshi Langu aser kinungtsü Dr. Bendangla liasü.

SÜR KÜM KA AJUNGBA BILEMTETER
Tasoba Küm-15/03/1925 ~ Tasüba Küm-06/02/2020
Asür Imlitozuk Pongen, Chuchuyimlang.

Obu na Küm 95 tashi arishia lir otsula aser semchirtem ajak toktsür or küm ka (1) abensaogo. Na meliaka nü temeim mapatem bilemteta tanü onoki sarasadema amonger.

Temeim, Kinungtsü, Chirnur aser Semchirtem.



Mulungnen O



Onoki kanga meima aliba ajemalu tebu, **Lt.Karidangba** (Lakhuni) shirang yipden nung aliba mapang nungi tenzüker, pa asünü 31:01:2021 tashi yimer yimsanger, arogo aser lokti balala, kija aser kibong kwinangkati tamang sarasadem den nübo aser rongsen agi yariogo, nenok ajak dangi tsüngdong arua meshitet nung, iba osang kaket ajanga kanga pelaba lemsateper aser talisa item dang ya pelaba shisemer :
1. Lakhuni Yimten
2. Lakhuni Arogo aser Arogotsür
3. Lakhuni Union Dimapur
4. Changdang Yimten aser Arogo
5. Changdang Union Dimapur
6. Aoyimsen Arogo aser Arogotsür
7. Kiyonger aser Kidanger
8. Ozü adianu aser anükapang.
Tsüngremi nenok ajak nem lepa moajang ta ozü tamang sarasadem.
- Temeim kinungtsü, jala, jabaso aser kinungertem.

TENÜNGSANG AGÜTSÜR

ONOKI KANGADANG MEIMBA Imlimaong Aier-i IIIT Allahabad nung Department of Applied Sciences nungi Ph.D takok anguba atema TENÜNGSANG TULUAGÜTSÜR.

Nai küm aika meranga inyaka aruba ajanga takok nguogo aser nai iba alizüng atongba atema onok kanga nüma atanger. Nü mapa nung Tsüngremer temoatsü maneni lidakjangma!

Nai research wadang nung ajemoker lia aodang, nai aginübatem tongteta aser tepela nung takoktem maneni nguyonga oang ta onoki sarasademtsür.

- Moala aser Yajen Aier'er chirnurtem, semchirtem aser tanabuba semchirtem.

Realme V11 5G sayaogo

New Delhi, Tsüklai/February 05, 2021 (Agencies): China indang smartphone yangluba company - Realme-i Realme V11 5G ta nüngja agütsüba budget smartphone tasen ka sayaogo.
Realme V11 5G nung waterdrop-style notch keta lir aser 4GB RAM + 128GB storage variant ka dang angutsü. Iba smartphone jenjang CNY 1,199 (sen 13,500) alitsü aser sentsü ana nung angutsü.
Taoba ita Realme-i Realme V15 5G smartphone sayaba ajaki jangjaa lir.
Realme V11 5G ya Vibrant Blue aser Quiet Grey colour nung sayaogo. Iba smartphone ya Realme China website ajanga angutsü. Ajisüaka, International shishilemadak iba smartphone sayatsü atema osang agüja mali.
Iba smartphone nung 6.5-inch display den 88.7 screen-to-body ratio keta lir aser MediaTek meyong

Dimensity 700 SoC aser Mali G57 GPU ajanga phone inyakyim achayangtsür. Iba den külemi, V11 5G nung 4GB RAM aser 128GB internal storage inoka yanglutsüogo, koba microSD card ka ajanga 1TB tashi atsülanga amshitetsü. Realme V11 5G nung 5,000mAh battery lir aser 18W fast charging support asütsü.
Camera tsütsü reprangdangra, Realme V11 5G nung dual rear camera setup inokja lir, kong 13-megapixel primary sensor den f/2.2 lens aser 2-megapixel sensor den f/2.4 lens angutsü. Ajisüaka, tejaklen camera atema Realme ajanga osang magütsü.
Connectivity atema, Realme V11 5G nung Wi-Fi, 5G, Bluetooth, GPS aser tanga aika angutsü. Sensor rongnung, proximity sensor, ambient light sensor, accelerometer aser side-mounted fingerprint scanner angutsü.

CAGSA 50buba Meet: Khulazu Basa quarter final-i iogo



Phūsachodü, Tsüklai/February 05, 2021: Hokolbarnü, Phūsachodü yimtsüing nung Khulazu Basa aser Kikruma na tsüingda football asayadang agiba noksa ka yangi angur.

Phūsachodü, Tsüklai/February 05, 2021 (TYO): Phek District kübok Phūsachodü yimtsüing nung tagidak aliba Chokri Area Games and Sports Association (CAGSA) 50buba Meet pungonübuba nung, asemben tashi iba asayamung akoker telok, Khulazu Basa-i Kikruma madak goal 1-0 agi takok ngua tebur football quarter final-i iogo, ta sangdong ka ajanga metetdaksü.

Iba asaya nung Khulazu Basa nungi asayar Lutuzo-i minute 10buba nung goal idaksü aser mezüing half tashi parnoki Kikruma pur amokbanga asaya.

Tanabuba half nung, Basa den meneptsü atema Kikruma-i meranga asaya, saka striker asayartemi goal ka danga meinoktsütet. Kikruma-i goal inoktsütsü maongka kar ngutet, saka tebilemba metongteti Khulazu Basa team-i iba asaya koktet.

Iba takok ajanga, Khulazu Basa-i point 6 ngua Group A table nung temaba jenjang tongteta lir. Kikruma team-i tamakok angu yongjia, taruba round atema parnok qualify süogo.

Kasa anogo, Thipuzu-i goal 2-1 North Kikruma kokogo. Telok

ana tsüingda asaya tenzüker, North Kikruma atema minute 12buba nung Verhakho Tunyi-i penalty ka idakja goal 1-0 agi tejakdang ser mezüing half tembang. Ajisüaka, tanabuba half nung Thipuzu team atema Cuzota Chuzho aser Sevozo Rhakho nati goal ka ka idaktsü.

Ano külen, Thenyizu aser Chesezu team nungi asayar kati danga goal meinoktsüteti asaya tembang.

Quarterfinal nung, Khulazu Basa o Thipuzu aser Thenyizu o Kikruma asayatsü. Iba sülen, Group A nung takoker team ana shimtsü.

Group B asaya nung, Rukizu team-i goal 3-0 agi Chikri Nasa tsükdaksü.

Rikuzu team atema asaya tanabuba half nung Vekro Tetseo, Zhokho Thingo aser Vetsuzo nungeri goal ka ka inoktsü.

Kasa Group nung, Merito Nyekha-i Chetheba team atema goal 2 idakja K. Bawe madak goal 2-0 agi takok angu.

Iba asaya minute 40buba aser 54buba nung Nyekha-i goal ka ka inoktsü.

Group B quarterfinal round nung Phūsachodü o Chetheba

aser Rukizu o K. Bawe asayatsü.

Maneni, tebur volleyball asaya nung, Chetheba-i Chikri Nasa madak 25-15, 25-6 agi takok ngua semifinal round-i iogo.

Phūsachodü team-ia 25-21, 25-15 agi Rukizu koka semi-final tongogo. Group B nung Chetheba aser Phūsachodü tsüingda semifinal asayatsü.

Group A nung, Khulazu Bawe-i 25-21, 25-13 agi Kikruma tsükdaksü. Tanabuba semi-final nung Bawe-i Thenyizu den asayatsü.

Tetsür volleyball semifinal nung, Phūsachodü o North Kikruma aser Chesezu o Chetheba asayatsü.

Tetsür basketball asaya nung, Rukizu-i Chesezu akok, saka tanabuba asaya nung Chetheba-i Rukizu tsükdaksü. Chetheba aser Phūsachodü na semi-final asayatsü.

Thenyizu-ia point 11-6 agi Khulazu Basa kokogo. Basa aser Kikruma semi-final asayatsü.

Tebur basketball semifinal nung, Chetheba o Thipuzu aser Thenyizu o Rukizu team tem asayatsü, ta kasa sangdong nung shia lir.

India vs England: Mezüing Test nungi Axar Patel tukadok

Chennai, Tsüklai/February 05, 2021 (Agencies): Spin bowler aser all-rounder Axar Patel temokok abilen timtem adokba sülen, Hokolbarnü England aser India tsüingda mezüing test asaya nungi tukadok.

Substitute asayartem indang list nungi India team squad nung Jharkhand nungi Left-arm spinner, Shahbaz Nadeem aser Rajasthan nunger leg-spinner Deepak Chahar naprongla anisemogo.

"England den mezüing Paytm Test asaya nungi Axar Patel agienogo. Brehostibarnü India team training agiba mapang, all-rounder Patel-i pa temokok abilen timtem aliba metetdakja liasü," ta BCCI secretary Jay Shah-i metetdaksü.

"Tang, Patel ya BCCI

Medical Team-i reprangdar aser pa temokok nung timtem aliba indang osang tejangja atadang, iba test series mezüing asaya nung pai shilem magitetsü," ta Shah-i shisem.

India team nungi asayar takoktet, Ravindra Jadeja, shiba yirur aliba nungi taneptsü junga mangu lir, pa melen Axar Patel shim aser pai (Axar) mezüing International Test asayamung nung shilem agitsü renemer liasü.

"All-India Senior Selection Committee-i spinner Shahbaz Nadeem aser Rahul Chahar naprongla India squad nung aniokogo. Asayartem indang standby group shilem ama, Nadeem aser Chahar naprongla Team India den training agia aruogo," ta kasa sangdong nung shia lir.

BFI Zonal Joint Secretary inyaktsü Imtisunep Ao shimogo



Mr. Imtisunep AO

Tsüklai/February 05, 2021 (TYO): Boxing Federation of India indang Zonal Joint Secretary ka ama Imtisunep Ao Hokolbarnü shimba sülen, Naga nunger atema pai tenüing tajung bener arutsüogo.

Iba menden atema tokteptsü pur shinga melii, 2020-2024 kümsük atema Imtisunep Ao ya Zonal Joint Secretary (North East Zone) ama shim.

Kasa mapang, pa den külemi, zonal secretary asem - East Zone nungi Larry Kharpran, South East Zone nungi R. Rajendran aser South Zone nungi Dr. Manje Gowda shimogo.

Bodhbarnü poll nung Ashish Shelar tsükdaksüba sülen, Ajay Singh ya Boxing Federation of India indang tir ama tanaben shimogo, koba International Boxing Association (AIBA) observer kati iba poll maparen asadanga liasü.

ATP Cup: Germany team semi-final-i iogo

Melbourne, Tsüklai/February 05, 2021 (Agencies): Hokolbarnü, ATP Cup asayamung tebur kija asaya nung Novak Djokovic-i kanga meranga asaya Zverev akok, saka Djokovic'er team - Serbia-i iba asayamung tanüingba asaya nung shilem magitetsüsa kümogo aser Zverev'er telok ATP Cup semi-finals tongogo.

World no. 1 Djokovic, shibai taküm Australian Open asayamung title atonga takok angutsü teimla nung asayadar, Hokolbarnü tebur kija ATP Cup quarter asaya nung pai Zverev madak 6-7 (3/7), 6-2, 7-5 agi takok angu, saka tebur tarep asaya nung Zverev-i külem asayar Jan-Lennard Struff den longjemer Djokovic aser Nikola Cacic madak 7-6 (7/4), 5-7, 10-7 agi takok ngua Daniil Medvedev'er Russia team den semi-final asayatsü maongka nguogo.

Tebur kija asaya nung Struff-i Dusan Lajovic madak

takok angu.

"Tanü Zverev den kanga timtema asaya liasü. Tenapronglai kanga sashia serve yok," ta taoba küm Serbia-i ATP Cup title akoktsü asoshi tongti shilem agisang Djokovic-i ashi.

"Pai (Zverev) double fault kangarabo mangu aser pa dak temulungtetba tulu liasü. Pai tasüita aser meranga asayaba atema pelar," ta Djokovic-i ashi.

Kasa mapang, Spain team nungi Nadal masayatet aser Greece-i 2-1 agi par team tsükdaksü.

Spain team nungi tarep Pablo Carreno Busta aser Roberto Bautista Agut nati Michail Pervolarakis aser Stefanos Tsitsipas den asayaba mapang, box nungi Nadal-i repranga liasü.

Tebur kija asaya nung, Rank 16 Carreno Busta-i Pervolarakis madak 6-3, 6-4 agi kokogo.

Australia team pur telok

asaya nungi agienadoker liasü aser Hokolbarnü parnoki masayatet. Kasa mapang, Greece-i maneni asayayonga aotsü atema iba tie 3-0 agi akoktsüla.

"Iba takok ajanga onok semi-final-i iogo, ajiasünung, onok atema iba asaya kanga tongtibang liasü," ta Carreno Busta-i ashi.

"Ni temulung agüja kü dak aketba sempet tajungtiba amshia asayatsü merang," ta Busta-i ashi.

Ano külen, Busta den külem asayar Bautista Agut ya 7-5, 7-5 agi world no 6 Greek nunger Stefanos Tsitsipas-i tsükdaksü. Iba season tenzüka, Stefanos-i pa indang asaya ana atonga takok angur alitsü.

"Iba asaya piyong ni junga asaya aser tashi agüja asaya ama bilemer. Ni forehand junga amahia asayatet aser bilemba ama serve junga yoktet," ta Stefanos-i ashi.

Dominic Thiem-i aniba Austria team pur France den

asayaogo aser Honibarnü Argentina aser Japan tsüingda final group tie asayatsü.

17ben Grand Slam takok angusang Djokovic-i asaya tasak pezü - kija aser tarep asaya anana asayatsü aser pai tukububa Australian Open title akoktsü teimla nung shilem agitsü.

Ano külen, Nadal-i November 21, 2020 nü London yimti nung ATP Finals indang semi-finals nung asayar sülen nungi lai tennis tetoktepbpa asayamung ka nung danga shilem agidanga mali.

Taoba hopta Adelaide nung, Nadal-i Thiem den exhibition asaya ka nung shilem agidanga lir aser tang pa terberem yirur aliba ajanga, Melbourne nung pai 21buba Grand Slam title abentsü asoshi tebilemtsü akar.

Nadal temang nung timtem aliba ajanga, Spain indang ATP Cup tie nungi tukadok aser iba den külemi Hokolbarnü Greece den pai masayatet.

"Asaya nung shilem agitsü asoshi temangi memelar. Iba timtem tera tajungba kümard, saka tashi agüja asayatsüsa masü," ta Nadal-i ashi.

Kanga dang yongya ataba Australian Open asayamung ya Hombar nungi tenzüksü aser 2009 küm iba asayamung takok angusang Nadal-i tan asayamung nung Roger Federer indang record ajangettsü imlaa atar. Federer-i Grand Slam title 20ben koka lir.

Federer-a yirur aliba ajanga Australian Open nung masayatsü aser March ita Doha asayamung nungang shilem agitsü tebilemba lir.

BILEMDANGANG

"Tarutsü tia tajungba asütsü asoshi tanü inyakadokang."